

2 chéile, mar gu'm b'ann roimh 'a chlaidheamh, 'nuair nach bi neach 'an tòir orra; agus cha bhi neart agaibh gu seafamh roimh bhur naimhdibh.

38 Agus théid as duibh am measg nan cinneach, agus ithidh talamh bhur naimhdean suas sibh.

39 Agus seargaidh iadfan a dh'fhàgar dhibh as 'nan aingidheachd ann an dùthchaibh bhur naimhdean, agus mar an ceudna ann an eu-ceartaibh an aithreacha seargaidh iad as maille riu.

40 Ma dh'aidicheas iad an aingidheachd féin, agus aingidheachd an aithreacha, a réir an eusfontais a rinn iad a'm' aghaidh, agus mar an ceudna gu'n do ghluais iad a'm' aghaidh:

41 Agus gu'n do ghluais mise mar an ceudna 'nan aghaidhfan, agus gu'n d'thug mi iad do dhùthaich an naimhdean; ma bhios 'an sin an cridhe néo-thimchioll-ghearrt' air irioslachadh<sup>a</sup>, air chor as gu'n gabh iad re peanas an aingidheachd.

42 'An sin cuimhnichidh mise mo choi'-cheangal re Iacob, agus mar an ceudna mo choi'-cheangal re h-Isaac, agus mar an ceudna mo choi'-cheangal re h-Abraham cuimhnichidh mi, agus cuimhnichidh mi am fearann.

43 Tréigear mar an ceudna am fearann leo, agus mealaidh e a thabaidean, am feadh 's a ta e 'na luidhe fas as an eugmhaie; agus gabhaidh iad re peanas an aingidheachd; a chionn, eadhon a chionn gu'n d'rinn iad tair air mo bheirtheanais, agus a chionn

gu'n do ghabh an anam gràin dom' reachdaibh.

44 Agus gidheadh air a shon fo uile; 'nuair a bhios iad ann an tìr an naimhdean, cha tilg mi uam iad, ni mò a ghabhas mi gràin diubh, g'an sgrìos gu tur, agus a bhriseadh mo choi'-cheangail riu: oir is mise an Tighearn an Dia.

45 Ach air an sgàth-fan cuimhnichidh mi coi'-cheangal an sinnfirean, a thug mi mach a tìr na h-Eiphit, ann an sealladh nan cinneach, a chum as gu'm bithinn a'm' Dhia aca: Is mise an Tighearna.

46 Is iad sin na h-orduighean, agus na breitheanais, agus na reachdan, a rinn an Tighearn eadar e féin agus clann Iisraeil, ann an sliabh Shinai, le làimh Mhaois.

## C A I B. XXVII.

A GUS labhair an Tighearna re Maois, ag ràdh,

2 Labhair re cloinn Iisraeil, agus abair riu, 'Nuair a bheir duine bòid àraidh<sup>b</sup>, buinidh na h-anmanna<sup>c</sup> do'n Tighearn, a réir do mheas:

3 Agus bithidh do mheas, air an fhirionnach o fhichead bliadhna dh'aois, eadhon gu tri fichead bliadhna dh'aois; bithidh eadhon do mheas leth-cheud fecel airgid, a réir seceil an ionaid naomha.

4 Agus ma's bainionnach a bhios ann, 'an sin bithidh do mheas deich seceil 'ar fhichead.

5 Agus ma's gille o chùig bliadhna dh'aois, eadhon gu fhichead bliadhna dh'aois a bhios ann, 'an sin bithidh do mheas